

下次一定會更好

各位義工朋友:

小弟剛喺星期日完成首次荔枝窩地質教育中心義工。

一個與近期荔枝窩完全相反嘅場面，一個字‘靜’，咁又有乜唔好呢？寧靜的荔枝窩返嚟啦，但都幾矛盾啫..... 咁靜中心咪無客@@

趁住無客，利用呢 d 時間睇資料，抱下佛腳先啦，睇吓書，睇下錶..... 第一節導賞時間快到，無客..... 出去搵客。

係自然導賞課程嘅導師陳 sir、生態導賞同學又好，入嚟中心就係客人，介紹中心展品，戶外導賞照做。

稍後時間遊客多咗，參觀中心嘅人多起來，我哋 team 人，安妮 and 聰，落力介紹中心展品。

跟安妮出去做戶外導賞，study 咗一個精彩嘅導賞。

想同大家講下唔知香港人係咪含蓄 d，入到中心齋睇，當我哋主動出擊，引起佢哋嘅興趣，講多兩句，佢哋會繼續發問，有興趣聽。

依家靜落嚟，諗番起，有 d 地方可以做得好 d，不過‘事後諸葛亮’，總之當時當地盡力做好‘事後諸葛亮’嘅嘢，記低佢，下次一定會更好。

布布



主動兼落力的布布